

ABSTRAK

Penyelidikan ini adalah bertujuan untuk mengetahui sejauhmana kefahaman dan penghayatan masyarakat Islam terhadap objektif perkahwinan Islam. Hal ini adalah penting kerana perkahwinan merupakan asas terbinanya sebuah keluarga bagi membentuk kelompok masyarakat. Keluarga merupakan struktur asas bagi keseluruhan sistem sosial dan ketamadunan di dalam Islam. Ia merupakan satu institusi yang menjamin kestabilan dan kecemerlangan masyarakat keseluruhannya. Fungsi utama keluarga dalam Islam ialah untuk menjamin wujudnya suasana di mana nilai-nilai Islam dapat tumbuh dan berkembang di dalam jiwa, diri dan peribadi ahli keluarga bagi membentuk dan mengekalkan jenerasi umat yang merealisasikan ajaran Islam sepenuhnya dan menjalankan amanah selaku khalifah Allah di muka bumi ini. Justeru itu perkahwinan merupakan suatu yang paling suci di dalam kehidupan manusia. Ia perlu dipelihara dan diperkuuhkan semata-mata untuk menjamin kesinambungan jenerasi manusia yang kukuh dan mantap dari segi rohani dan jasmaninya. Oleh itu matlamat perkahwinan yang jelas dan tepat wajib difahami dan dihayati oleh muslimin dan muslimah agar cita-cita yang suci murni itu dapat dicapai. Menyedari hakikat inilah penulis berkecenderungan memilih tajuk ini bagi menghuraikan matlamat sistem perkahwinan Islam secara terperinci bertujuan memperjelaskan kepada masyarakat peri pentingnya pengetahuan terhadap perkara tersebut. Peningkatan kadar perceraian dan krisis rumah tangga serta berleluasanya masalah keruntuhan akhlak yang melibatkan individu muslim dalam berbagai peringkat menambahkan lagi minat penulis untuk mengkaji punca sebenar permasalahan tersebut. Berasaskan hipotesis bahawa permasalahan tersebut berpunca daripada ketidakfahaman masyarakat terhadap objektif perkahwinan Islam dan krisis penghayatannya, penulis telah melakukan kajian dengan menggunakan metod soalselidik bertulis terhadap masyarakat Islam di sekitar Kuala Lumpur. Kuala Lumpur yang merupakan ibukota metropolitan yang menjadi tumpuan pelbagai kategori dan gelagat manusia di samping wujudnya berbagai permasalahan rumah tangga dan akhlak serta moral menambah keyakinan penulis untuk mendapat suatu hasil yang tepat untuk kajian ini. Hasil kajian menunjukkan kegagalan masyarakat menghayati matlamat perkahwinan adalah kerana sebahagian masyarakat masih menghadapi masalah kefahaman terhadap objektif sebenar perkahwinan Islam terutama objektif asalnya iaitu untuk melahir dan mengekalkan jenerasi yang beriman. Namun begitu, kajian ini juga mendapati kefahaman semata-mata tidak menjamin seseorang individu tersebut menghayati matlamat perkahwinan kerana dalam setengah keadaan sikap individu dan faktor persekitaran dan semasa lebih mempengaruhi dan mengatasi kefahaman yang mereka miliki. Dengan itu kajian ini telah membenarkan hipotesis bahawa kepincangan yang berlaku dalam masyarakat yang melibatkan institusi kekeluargaan adalah berpunca daripada ketidakfahaman masyarakat terhadap objektif perkahwinan dan krisis penghayatannya. Oleh itu, untuk membangunkan semula institusi keluarga yang kian rosak usaha memaham dan menyedarkan masyarakat ke arah menghayati objektif perkahwinan serta

menghapuskan anasir-anasir yang boleh meracuni kehidupan umat Islam hendaklah menjadi agenda utama. Pembangunan keluarga dan manusia seluruhnya tidak boleh berlaku dengan sendirinya tanpa perancangan dan sokongan semua sektor masyarakat.

ABSTRACT

This research aims to evaluate the understanding as well as the practices of the Muslim society of the objectives of the marriage system in Islam. This is particularly important in the sense that the marriage is a foundation of a society. In Islam, family is the basic structure of the entire social system and civilization. It is an institution established to ensure social stability and excellence. The main function of a family in Islam is to ensure the establishment of a particular environment where Islamic values can be developed in the personality of its members. To form and maintain a generation of *ummah* is crucially important, to enable it to practise the Islamic teachings and to carry out the task of a *khalifah* in this world. Marriage therefore, is the purest human relationship. It has to be guided and strengthened in order to ensure the continuity of a strong and excellent generation, spiritually and physically. Thus, the objective of marriage should be clearly understood and practised by all Muslims in order to achieve such aims. In recognition of this significance, the writer chooses this subject to explain the aims of Islamic marriage in detail and to show its significance. The increasing rate of divorce and marriage problems in addition to the growing number of cases of moral decadence involving Muslims of various walks of life is another reasons this study is carried out, i.e to identify the main cause or causes of the problem. It is, hypothesised that the problem has its roots in the misconception of the Muslims of the marriage objectives and the crises arisen from it. For the reason Kuala Lumpur, a metropolitan city which attracts a large number of people of different levels and categories, with numerous marriage problems and social ills is chosen as the research area. To carry out the research, the writer uses written questionnaire which were distributed among the Muslims in the city. The results of the study show that the failure of the Muslim to live up to the genuineness of Islamic marriage is because they fail to fully comprehend the real objectives of the marriage especially as a means to develop and perpetuate faithful generations of *ummah*. However, the study also discovers that the deep understanding of marriage objectives alone does not solely contribute to a stable and successful marriage. Individual attitudes and environmental factors do have significant effect. The study proves that social problems which can be traced back to the family have the roots in the lack of understanding of the objectives of Islamic marriage. It is imperative that every effort be made for the purpose of clarifying and realizing these objectives. Priority should be remove negative elements that can contaminate the family life of the Muslim *ummah*. Family and social development does not take place on its own but with a careful planning and support.